


Eine außergewöhnliche Liebesgeschichte



Trina Leutasch

&



Naz Laninger

Die Liebesgeschichte der Fasnachtskoneen chronologisch

Leutasch und Telfs in der Fasnacht 2015





Trina an Naz am 10. Feber 2015

Offener Brief an den Naz

*Griäß Dú Naz meí Laníngerbua,
seitn Schleicherlauf gib meí Herzl koa Ruah!*

*Jahrzehnte hats für mí darfen nur a Lúitascher sein,
aber nocha hun í Dú gsechen Rachen und Speíbn.*

*Seit dem kunn í lei no an Dú líabschtes Nazl denken,
BITTE lass mí zua und tua mír a Kind von Dú schenken.*

*Glei war guat, weil bis 2035 ísch es a lange Zeit,
bis mír wieder gemeinsam werden befreit!*

Bussí, die TRINA aus der Lúitasch



Trina an Naz am 12. Feber 2015

Zweiter offener Brief an meinen Auserwählten Naz

Liaber Naz!

*Lang hom mir zwoa nimma Zeit,
bis uns die Gruft für 20 Jahr entzweit.*

*Koa Reaktion auf meine Avancen keahrt des zum Nazl-Spiel,
oder bisch übermannt vo mein Sexappeal?*

*Denn scho in der Göttlichen Komödie schrieb einst Dante,
„Trina sein tatesch du a Mosch a gwante“.*

*Wenn des sogar a Katzlmocher hat überrissen,
warum hasch Du liabschtes Nazl des no it dagnissen?*

*Du bisch ma der liabschte von alle Flegel,
drum sei mein Liebhaber und it mei Hegl!*

*Lass di decht it so bettln und sei it zwieder,
i kam so gern von Dir hernieder.*

*A Fasnachtsprinz aus deine Lenden und meinem Becken,
versetzt jeden Antimaschgerer in Angst und Schrecken*

*Alloan des miaßat für Di Grund gmuag sein,
für ein sinnliches Stelldichein.*

Die Trina

Unsinniger Donnerstag 2015



Naz an Trina am 13. Feber 2015

Liabe Trina,

*I fühl mi geehrt und muas a sogn,
so an letztes Gspusi tat i schua no vertrogn.*

*Glabs ma i hun a riesen Freit,
Dass a hoasfer Feger wie du - mi im Facebook unschreibt.*

*Dass i nit glei zruggschrieben hun, des muasch ma vergebn.
da bin i grad bei a anderen glegen.*

*A Voterschaft tat i finden ganz guat,
weil der Laningerklan, brauch so langsam a frisches Bluat.*

*Guat war wenn du am Samstag kanntesch kemmen,
muasch halt vorsichtshalber a Schachtl Viagra mitnehmen.*

*Bin jo nimmer so Jung,
und i hoff du hasch am Samstag den Eisprung,*

*Fliag aussu aus den Luitasch-Tal,
mir treffen ins bei mir amol.*

*Der Samstag war jo optimal,
weil mei Kindsdirn geat schun wieder den Telfer Fosnochtsball.*

*Ziach un dei schianste Hexntracht,
und bleib bei mir über die Nacht.*

*I hoff i muas grad dann nit speibn,
wenn mir Körper an Körper aneinander reibn.*

*Allimente wersch vo mia halt kuane griagn,
weil de tian schu die andern unehelichen Kinder beziagn.*

*I hoff grad das des a Bua wert - sinsch griag i an Schlaaz,
und getaft werd der gfälligscht nach mi, nämlich Naz!*

In leidenschaftlicher Erwartung:

dein NAZ



Trina an Naz am 13. Feber 2015

Liabschter Naz!

*I hun scho befürchtet mit ins des wars scho gwesen,
erst dann hun i Dei Nachricht glesen.*

*Juhu, Hurra i kunn mei Glück fascht it fossn,
i wear am Valentinstag vom Naz zuaglossen!*

*Dei Angst vo oaner Gitscha kostet mi lei an Lacher,
du bisch decht der Naz und koa Bixenmacher?!!*

*Sollt i von Dir kriegn an Laningersohn,
dann stiahn a Alimente sicher nit zur Diskussion.*

*A Deine Sorgen wegen Eisprung sein unbegründet,
weil Du hasch beim Schleicherlauf meine Eierstöck wie a
Fackel entzündet.*

*Und mit Hilfe der blauen Pille und a bissl Groatelfett,
weart des morgen sicher nett.*

Bis morgen aufn Ball liabschtes Nazl

Trina

*PS: I bring zur Vorsicht no mit zun Speiben a Sackl,
weil in der Pritscha bin i a richtiges Fackl.*



Naz an Trina am 14. Feber 2015

Zweiter Brief an meine Trina.

*Dass du a Hoase im Bett bisch kimmt mir gelegen,
noch 155 jahr will i eh wieder amol was nuies erleben.*

*I will aber nit dass wegen gebrochenen Herzl tuasch rean,
aber a glückliche Beziehung werd des mit ins nit wean.*

*Es war ja schlimm wenn i die als mei Gefährtin tat verliern,
deswegen Wunder di nit wenn i beim Beischlaf tua krepieren.*

*Weil drei Tag noch deiner Begattung,
erfolgt in Telfs ja schua wieder mei Bestattung.*

*Und nimm mit vo da Luitasch a paar fesche Gitschn,
dass a bei meine Laninger di Lattnrost kwitschn.*

Liebste Grüße dei Naz



Naz an Trina am 16. Feber 2015

Letzter Brief an meine liebste Trina!

*I mecht mi bedanken dass zu mir bisch kemmen,
2035 sechn ma ins wieder do kunnsch mi beim Worte nemmen.*

*Mit die Leutascher bisch bei ins gwesen und mir habm gsungen viele
Liader,
Mi freids dass deine Leit so guat auskemmen mit meine Laninger
Briader.*

*Aber bei dem wilden treiben,
hun i wieder gschpürt mei Pumpenleiden.*

*I glab mei Herz werd nimma lang klopfen,
I hoff dass vor lauter Trauer nit zuviel Tränen bei dir tropfen.*

*Zum Glück habn ma mitnander no an Schnagsler kapt.
I gea amal davun aus, des mit da Befruchtung hat klappt.*

*Jetzt bin i schua zu schwach zum schreiben, jetzt geb i a rua.
In 20 jahr sechn ma ins wieder*

In liebe dei Laningerbua.



Trina an Naz am 16. Feber 2015

Liabschter Naz!

*Abschied fällt bekanntlich schwer,
mir -der Trina- des Johr umso mehr!
Dafür fallts it schwar zua zu geben,
Samstag war DIE Nacht in meinem Leben.
Glei bei der Ankunft hom mir enker Kameradschaft gspiehrt,
des isch meine Buam und mir so no nia passiert.
Mit Deiner Kindsdirn, lieber Naz, hosch es guat troffen
und dass sie Dir bleibt des isch nur zu hoffen.
Danke für des nette Stelldichein
und dass Du hosch miassen gor it speibn.
Dei Anmut und Männlichkeit und dazua no a
Valentinsstrauß
dann wars bei mir völlig aus.
Wie a Junger und fast ohne Schwächeln,
hosch Du mi bracht zun Hecheln.
Nach der Nacht mit Dir isch mei Schritt zwoar wund,
dafür weart mei Bäuchl rund.
Iatz versteah i warum sich aus Neid a poor Moschen,
sich über inser Liaison auf facebook dareißen die Goschen.
Aber wos isch eigentlich mit der Telfer Brauchtumshennen,
tuat de enkere Bräuch it kennen?
A Nacht mit Dir lieber Naz war mei Traum,
also halt di zrug BrauchtumsBraun!
De weart wohl wissen, dass Du in Telfs bleiben muaß
und „fast alle“ Weiber nieder tuasch.
Sei so nett und gib der Zussl,
an Acht oder halt a amol a Bussl.
Liabschter Naz, danke für die nette Zeit und für die
Begattung
und Dir morgen a schiane Bestattung.
Voller Vorfreude auf die Fosnacht 2020 vor Allem auf enk
Laninger mitn Karren,
verbleibt die Trina mit ihre Narren.*

Luitasch am Rosenmontag 2015



Der Glaube
auf ein Wiedersehen in 5 Jahr
ist unser Trost.

Du hast viel, ja fast alles gegeben,
in Deinem kurzen Leben.
Du warst für uns alle das große Glück,
wir Fasnachtler, vermissen Dich.

Naz

von der Sippe der Laninger

6. Jänner 2015 – 16. Feber 2015

Wir die Hegl und Moschn geben die schmerzvolle
Nachricht über das plötzliche und unerwartete Ableben
unseres jüngsten Sprosses bekannt.

Nach einer ausgelassenen Nacht mit einer rassigen
" Leutascher Mosch " (Trina), wurde unser Naz am
Montag Abend, von einer schwer geschockten
Kindsdirn, leblos in seinem Bett aufgefunden.
Als Todesursache wurde ein plötzlicher Herztod
durch die Überanstrengungen der vergangenen
Wochen ausgemacht.

Wir begleiten unseren lieben Naz, am 17. Feber um 19 Uhr
zu seiner letzten Ruhestätte am Sauplatzl.

In tiefer Trauer

die Laninger

Wir bitten von Kranz- u. Blumenspenden Abstand zu nehmen.
Grössere Geldspenden werden gerne persönlich entgegengenommen.



Trina Leutasch 17. Februar um 11:27

*Bin geschockt und muaß fast rearn,
aber der die Naz hot gsogt í darf it blearn.
Trotzdem ísch es it zun fassen,
dass der Naz hat uns verlassen.
Es ísch der größte Schmerz den es kunn geben,
í glab gor so lang wear í íatz a nimma leben.
Liaber Naz í war so in Dì vernarrt,
dass í íatz verreck an am Brokenheart!
Shakespeares Drama Romeo und Julia das war einmal,
íats spielt in Telfs und im Luitaschtal.
I hoff das í durch mei letztes zucken,
no au posten kun druuuuuuuuuuu.....*



Obwohl wir von deinem
fixen Ableben wissen,
werden wir dich
wiederholt vermissen!



In nährischer Erinnerung
an unsere geliebte

TRINA

Ehrenbürgerin
der Luitascher Maschgerer
geb. 11.11.

gest. 17.2.2015, Faschingsdienstag

Die Luitascher Maschgerer
geben das (un)erwartete Ableben
unserer geliebten TRINA bekannt.

*„Am Faschingssamstag hat se der
Laninger NAZ no deckt,
und iatz isch ins die TRINA
an am brochenen Herz verreckt.“*

Wir begleiten unsere geliebte TRINA,
am 17.2. um 23 Uhr,
zu Ihrer letzten Ruhestätte, beim Kreuzwirt.

In tiefer Trauer,
die Luitascher Maschgerer.

Bierspenden werden dankend angenommen.

**Auszug aus der Fasnachtspredigt im Rahmen der Bestattung der
Trina am 17.02.2015 ca. 23:00 Uhr**

Liebes- und Beischlafsgeschichten

Der Laninger Naz hat inserer Trina in Grind verdrahnt
und sie hot ihm übers Fotznbuach Rosen gstrahnt.
Nach dem sie den Laningerbua hot gsehen speiben,
wollt sie´s mit den Naz a treiben.
Am Faschnsamstag in Telfs wars dann so weit
da genossen sie die Zweisamkeit.
Danach war sie im Schritt zwar Wund,
aber sinsch no bumperlgsund.
Sie war so in den gestern verstorbenen Naz vernarrt,
dass sie eingangen isch an an Brokenheart!
Bevor´s gangen isch zu an End,
hot sie no gschrieben ihr Testament.

Trinas Testament:

I bin ma sicher i krieg vom Naz a Kind,
hun aber koa Ahnung wenn der Noz kimmt.
Bringen weart den da narrischer Storch wia solls a andersch sein,
wahrscheinlich lieg i aber no in der Kista drein.
Toats mir des Biabl huppelen und gepps drau acht,
Tschigg gibts koane bei ins weart Pfeifa gracht.
Als Pflegeeltern bestimm i meine Narren und die Laningerbruat,
weil boade Clans gfreien sich über a frisches Bluat.
A wenn der Voter in fünf Jahr hoben weart an Schlatz,
tafts mir den Buam noch ins boade und zwor TriNaz!

TRINA

Herzlichen Dank an die Laninger für die Kameradschaft sagen

die Luitascher Maschgerer 2015

i.A. Norbert Nairz